



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

III. Ixionis rota.

[urn:nbn:de:hbz:466:1-68709](#)

tem, nihil aliud intelligi voluerunt, quam tormenta mala conscientia obnoxia flagitio viscera interiora rimantis, & ipsa vitalia, indefessa admissi sceleris admonitione laniantis, sempèrque curas (si requiescere forte tentaverint) excitantis, tanquam sibis renascentibus inhærendo, necnulla sibi miseratione parcentis; lege hac, quā se judice nemo nocens absolvitur, nec de se potest suam vitare sententiam. Itaque quisquis in furto Prometheus, in adulterio Tityum, in aliis sceleribus alios scelestos sequitur, opus est, vulturem, aquilam, suam scilicet *conscientiam* patiatur, carnificem nunquam moriturum. Nec immerito Poëta viscera vocat fœcunda pœnis; Quia vermis eorum non morietur, & ignis eorum non extinguetur. Isa. 66. Nunquam non fodiet hæc aquila, nunquam non lacerabit hic vultur. Et observant Docti phrasin Maronis: *Immortale jecur tundens*: cur jecur? quia in eo sedes amoris & libidinis. Scilicet in quo quis peccavit, in eo punietur. Horat. lib. 4. Od 3.

Incontinentis nec Tityi jecur
Reliquit ales, nequitiæ additus
Custos.

Ubi per nequitiam *Intemperantia* & *Libido* significatur, cui suus apud inferos terror additus, hoc est, affixus atque semper infestus est; nempe recordatio impuritatum commissarum. Graviter Doctor mellifluus in lib. de anima. c. 3. Extortes Cælo in carne cruciabuntur per ignem, in spiritu per conscientiæ vermem. Ibi dolor intolerabilis, timor horribilis, fœtor incomparabilis, mors animæ & corporis sine spe venia & misericordiæ. Sic tamen morientur, ut semper vivant; & sic vivent, ut semper moriantur.

III.

Ixionis rota. Ex Virg. & Ovid.

Ethicæ.

Umbra voluptatis multos decipit.

Sibyllæ & Aeneæ per inferorum loca euntibus incurrebat etiam in asperatum *Ixion*, Rex olim Thessaliæ, qui quod Junoni flagitium intentasset, objectam pro illa nubem complexus est, & Centauros semiferos genuit. Quo crimine etiam exultans, detrusus est in Tartarum, & rotæ,

Q q q 2

serpentibus

serpentibus circumfusæ, implexus perpetuo circumactu giratus, interanguum morsus ac laniatus, flagitium luit.

Ethica.

(b) Illorum Symbolum hominum est Ixion (ut Plutarchus in *Aegeide* meminit) qui gloriam inanem pro virtutis imagine, veluti nubem evanidam amplectuntur, monstraque rerum animo efformant; sed de Iusi suis deinde cupiditatibus, per varias animi perturbationes miserè circumaguntur. Rectè etiam applies vel ad turpem voluptatem, vel ad ambitiosam honorum, aut avaram divitiarum cupiditatem. Nam Juno *Honorum & Opum* dea dicitur, cuius amplexum plurimi desiderant, sed nihil aliud, nisi fluidam auram captant. *Viri divitiarum nihil invenerunt in manib[us] suis.* psal. 75. Quād multos enim reperias, qui dies noctesque id unum agant, ut elegantiore forma libidinem suam expleant; aut fasces & magistratus obtineant; aut pecunias malis artibus corradiant: qui tamen post multiplices & catenatas curas sua spe longissimè falluntur, vanoque hiatu deluduntur. Innumera sunt eorum exempla, qui improbis frustrati votis, quod male desiderarant, nunquam tamen impetrarunt, perversaque voluntatis rei, cruciabili æternitatis orbe, apud inferos circumvolvuntur. Nempe stolidè, amantes sibi fingunt somnia, & in somniis nescio quād comptas, ornatas, aureas, gemmeas, sceptrisque superbæ Junones; quarum amore insaniunt. Sed o vecordes! nubes sunt, spectra sunt aëria, quæ deperitis: Cum cane Aeopico umbram in aquis captatis. Quot ego novi Juvenes (exclamat vir religiosus) quot viros sic deceptos, ut dum putarent Junonem se habere, ipsum cacodæmonem ambabus ulnis amplecterentur! Stengel de Matrim. Huc facit, quod idem auctor in Parænesi de Ruina Luciferi c. 12. §. 9. fusè recenset ex Francisco Rosseto, & Zeilero, historiar. tragic. p. 1. n. 1. Nos historiam in hac verba contrahimus. Tribunus militaris, officium circitoris nocturni obibat in urbe Lugdunensi; fortè incidit in matronam, ore habituque venustam, cui ephebulus lucernam præferebat. Aspectus in libidinem accedit hominem; & præeuntem feminam, cum duobus scelerum adjutoribus ut sequeretur, rapuit. Acheruntica erat larva, Junonem puta Ixioni objectam. Commissò cum orcinâ mima flagitiò, eoque tergeminò, Vénus Stygia repente se talem, qualis erat, amans suis ostendens, sublata veste, cadaver monstravit, cuius illi horrore spectaculi,

(b) *Vimbra voluptatis multos decipit.*

euli, utique post quam & domus, & omnis ejus apparatus, & domina subito evanuit, externati & factore avernali percussi, conciderunt, & pororum ritu extenti jacuerunt. Omnes tres cœno conspurcati, & pœnè etiam cooperti, quisque domum suam reportantur. Unus illorum mox vivere desit, imò æternum mori incepit; duo cæteri provixerunt, an suam in salutem, an longiores in pœnas, incertum est. Tu cave, ne quosvis in amplexus ruas. Quid enim fallacius & fugacius est nubibus? quæ & quanta ex illis oculorum ludibria? dum putamus spectare atces arcibus, montes montibus impositos, gigantum cælo pugnantium portenta apparere, acies armatas inter se hostiliter concurrentes bellari, repente & momento citius in auram grandia hæc nubium spectacula evanescent. Non aliter se habent spes, timores, amores, gaudia mortuum: videmur amplexu illa stringere; & subito è sinu evolant, nostrisque hiatus deludunt. Ælius Lampridius in Heliogabalo memorat, parasitos ab eo ad rotam aquariorum ligatos, & cum vertigine sub aquas missos, rursusque in summum revolutos, eosque *Ixionios amicos* vocatos fuisse. Praclarus in hac rota typus inconstantis fortunæ, præsertim aulicæ, quæ alios in altum subito evehit, alios ex nubibus ad inferos repente deprimit. Idecirco rotatiles hi Ixiones cum calculis arithmeticorum comparantur, qui nunc decem millia, nunc unum significant, prout super abacum sursum, deorsumque volvuntur. De Centauris semiviris & semibrutis ex Ixonia libidine procreatis hoc unum hic sufficerit monuisse: foedissima tunc monstra & flagitia nasci, rotis inferorum digna, quando *Heris* & *Onani* filiorum Judæ, Genes. 38. turpitudines repetuntur.

IV.

Sisyphi Saxum. Ex Virg. 6. AEn. & 4. Metam.

Ethicè.

Inutiles hominum labores ac cupiditates.

OVidius 4. Metam, post Tityum, Tantalum (de quo superiùs egimus) Ixionem, etiam Sisyphi, & Danaidum Beli filiarum in Tartaro pœnas dantium meminit, dum ita canit:

Viscera præbebat Tityus lanianda, novémque Jugeribus distractus erat. Tibi, Tantale, nullæ

Q q q 3

De-

Deprenduntur aquæ : quæque imminet, effugit arbor.
 Aut petis, aut urges ruiturum, Sisyphe, saxum.
 Volvitur Ixion, & se sequiturque, fugitque:
 Molirique suis lethum patruelibus auæ
 Assiduè repetunt, quas perdant, Belides undas.

Ethica.

(o) *Sisyphus* igitur cum Atticam Latrociniis infestaret, à Theseo oecissus est. Hunc Poëta fabulantur eo supplicii genere apud inferos plecti, ut saxum ingens in montis cuiusdam verticem cogatur provolvere, quod iterum iterumque relapsum, identidem revolvere cogitur, inani conatu. Variam explicationem patitur hæc fabula. Communior est, per Sisyphi saxum designari vana mortalium studia: montem, in quem revolvitur, huiuscæ vitæ cursum esse, cui quietem & tranquillitatem nullam varie cupiditates concedant: dum alii in cumulandis opibus, alii in honoribus & magistratibus, alii in gloria & celebritate rerum gestarum, alii in scientiarum cognitione, alii in eximia corporis forma, aut sanitate, aut nobilitate, aut in rebus huiusmodi, felicitatem suam esse sitam arbitrantur: qui cùm re optata potiti sunt, rursus in imum relabuntur: & qui antè in divitiis comparandis erat anxius, nunc est in acquirendis honoribus, nunc in recuperanda valetudine sollicitus: atque ita semper in aliquam relabitur perturbationem, neque apicem summum, in quo beatitudine ac quiete sperata fruatur, obtinet unquam. Præterea Sisyphi saxum dicuntur volvere homines, in exhausto atque inutili labore fatigati. Non nemo Sisyphi saxum ad pœnam talionis applicat, juxta illud Prov. 26. *Qui voluit lapidem, revertetur ad eum;* id est, qui perniciem in alios fraudulenter molitur, illâ ipsâ caput suum involvit. Accipias etiam per Ixionis Rotam, & Sisyphi saxum, Circulum illum infelicis inferorum aternitatis, qui semper volvitur, & revolvitur: reddit in se ipsum, semperque se sequitur, atque fugit. Quò etiam referri potest pertusum Danaidum Dolium, semper implendum, nunquam explendum.



(c) *Inuiles hominum labores & cupiditates.*

V. D^a